



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

solchen verhältnissen lebte Walther in Thüringen, nicht in Österreich.*) an einzelnen vergleichungspuncten fehlt es nicht (117,32 : 97,34 ff. 111,3 : 95,27 u. a.). str. 117,36. 118,5 müssen weil sie in demselben ton sind wie 117,29, an denselben ort gesetzt werden (vergl. 117,36 : 95,37 ff. 118,2 : 99,6. 118,11 : 92,1 ff.). — str. 112,10 und 118,18 enthalten nicht persönliche klagen über lügner und verleumder, nichts von einem zwist mit der herrin wie die österreichischen lieder, sondern heben die allgemeine freudlosigkeit hervor. also auch sie weisen nach Thüringen (vergl. 118,20 : 112,10. 112,3 : 98,22).

*) daß 117,30 auf str. 42,31, welche in die spätere zeit des österreichischen minnegesangs gehört, bezug nimmt hindert nicht daß sie in Thüringen entstanden ist; denn 42,31 kann auch dort vorgetragen sein.

Altona.

W. WILMANN'S.

BORDESHOLMER MARIENKLAGE.

Incipit planctus devotissimus beatissime Marie virginis cum misericordissima et devotissima nota.

Planctum istum facit beata virgo Maria cum quatuor personis devotis devotissime bona sexta feria¹⁾ ante prandium,²⁾ in ecclesia ante chorum in loco aliquantum elevato vel extra ecclesiam si bona est aura. planctus iste non est ludus nec ludibrium, sed est planctus et fletus et pia compassio Mariae virginis gloriose. et quando cunque fit a bonis et devotis hominibus, in genere sive in specie valde provocat homines circumstantes ad suum fletum et ad compassionem, sicut facit sermo devotus bona sexta feria de passione domini nostri Ihesu Cristi. si non potest fieri bona sexta feria commodose propter sermonem de passione domini, tunc beata virgo faciat istum planctum antea cum suis, sicut feria secunda post dominicam palmarum³⁾ ante prandium. iste planctus fit commodose in duabus horis et media. et omnia quae tunc fiunt ab illis quinque

1) d. h. am karfreitag. die Marienklage fundgr. II 281 ist überschrieben 'planctus in magna sexta feria.'

2) weil die aufführung als ein theil des gottesdienstes betrachtet wird.

3) d. h. am montag der karwoche, weil nämlich an diesem tage die eben erwähnte passio nicht gelesen wird.

personis non debent fieri cum festinatione nec nimia mora, sed medio et bono modo.⁴⁾ ille qui est Ihesus est devotus sacerdos, Maria iuvenis, Iohannes ewangelista sacerdos, Maria Magdalena et mater Iohannis ewangelistae⁵⁾ iuvenes. Ihesus debet se praeparare cum casula rubra, Iohannes simili modo. Ihesus et Iohannes debent habere dyademata de papiro. dyadema Ihesu habeat rubram crucem ante et retro. Maria debet se praeparare cum vestibus, sicut Maria Magdalena in nocte pasche. Iohannes habeat gladium de ligno cum vagina, quem tenet in manu quum exit cum rigmo suo. et Iohannes debet sepius tangere cor Marie vel pectus eius. et quum facit actum suum, statim deponit gladium. iuvenis quidam bene vestitus potest tenere gladium cum panno de serico, cum quo beata virgo tegit postea lumbos crucifixi. dominus Ihesus quum primo exit cum aliis quatuor personis, devote portat crucem in manibus suis. et quum cantavit versum Quoniam tribulatio proxima est,⁶⁾ statim deponit crucem. et quum faciunt planctum, dominus Ihesus debet habere crucifixum ante se. et quodocunque facit actum, tunc crucem deponit et intrudit crucifixum. beata virgo stat a dextris Ihesu Cristi cum Maria Magdalena, Iohannes a sinistris cum matre sua. virgo Maria quum facit actum suum, vadit ad medium et aliquando vertit se ad filium ad orientem, aliquando ad occidentem, aliquando ad aquilonem, aliquando ad meridiem cum gladio Symeonis quem tenet beatus Iohannes ante pectus eius. aliquando beata virgo expandit brachia sua, aliquando levat manus suas ad filium cum oculis, omnia cum moderamine. quodocunque fecit actum suum, vadit ad locum suum et stat a dextris. simili modo faciunt alii. quum exeunt et quum intrant, faciunt tria paria: primo exit dominus Ihesus cum cruce cum Iohanne ewangelista, post hos beata virgo cum Maria Magdalena, ultimo mater Iohannis cum rectore, et ille incipit psalmum 'Circumdederunt me viri mendaces' usque ad locum praeparatum.⁷⁾ finito psalmo dominus Ihesus cantat solus versum 'Quoniam tribulatio proxima est' et vertit faciem ad occidentem sq. unusquisque dicat rigmum suum cum devotione plangendo in eadem nota et tono discreto.

4) ähnlich schreibt das Miss. Roman. (Berol. 1841) s. XXXIV § XVI vor: sacerdos autem maxime curare debet, ut ea, quae clara voce dicenda sunt, distincte et apposite proferat, non admodum festinanter . . . nec nimis morose.

5) Maria Salome. 6) psalm 21, 12.

7) bis zu dem für die darstellung hergerichteten orte.

Z. F. D. A. neue folge I.

Quum Ihesus finivit versum 'Quoniam tribulatio,' Iohannes
ewangelista statim dicit sic ad omnem populum⁸⁾ plangendo

Iohannes ewangelista

- Horet, gy salighen lude,
unde latet juw beduden
wo unse leve here Ihesu Crist,
de enn schepper hemmels unde eerden ist,
5 huden umme unsen wyllen heft geleden de marter grot,
dar tho ok den bytteren dot.
Horet, cristen, wo unse leve herre an der tyt to completen
ume unsen wyllen blodich sweet wolde sweten;
dat he alwylynges ok wolde gân,
10 dar en syne vygende wolden vån;
dat he Judam synen valschen vrund
kussen wolde vor syne mund,
unde valsckyken wolde vorraden werden,
alse gy enn mynsche up dusser erden.
15 De Yoden, de he hadde van herten leeff,
venghen ene alse eynen morder unde deeff;
he wart ok in den sulven stunden
vor Annas getoghen unde gebunden.
25 de beghunde en umme syne lere tho vraghen.
20 do wart he in syne hilgen wanghen geslagen.
Horet wo unse leve here in der nachtstunde
umme unsen wyllen wart gevangen unde gebunden
unde wart vor byschop Cayphas getoghen.
Dar wart he so rechte ovele beloghen.
25 Syne vygende de Yoden dar to rade gynghen
wo se ene mochten to deme dode bryngghen.
Dar horde unse leve here mennich smelyk word.
se straffeden syne werden hylgen bord,
se seden dat he nicht were godes kynd,
30 also deger weren se vorblynd.
Syne gotlyken ogen se vorbunden.
al umme en de grymmighen Yoden stunden

8) zur versammelten gemeinde.

- unde hadden en vor enen doren,
unde slogen en to synen gotlyken oren.
- 35 se sproken smelyken 'bystu Crist,
so entrade van weme du geslaghen byst.'
se bespygeden syn gotlyke antlat,
se makeden dat vul unreyne unde nat.
O leven vrundes, wat groter smaheyt was em dat!
- 40 Horet wo unse leve here wart vor Pylatum gebracht.
dar wart he so rechte ovele bedacht:
se seden dat unse here were enn droghenere
unde lerede deme volke ok valsche lere.
- 3 a Pylatus sende unsen heren hen to Herodes.
45 de wart sere gevrowet des.
He meende dat he were enn toverer
unde ok der lude gokeler.
Herodes hadde gerne wunder von em geseen:
des enmochte em doch nicht bescheen.
- 50 He began unsen heren vele to vraghen,
unde de Yoden begunden over em sere to klagen.
Unse here sweech al style unde wolde em nicht berichten.
Do bespottede Herodes Ihesum Christum myt alle synen
knechten.
- he tōch em enn dōren kleyt an
- 55 unde let en also wedder to Pylatum gan.
Dat leet unse leve here myt groter dult
vor unse sundychlyken schult.
Horet wo unse leve here umme unse sunde
yemerlyken umme eyne zule wart gebunden.
- 60 also mortlyken sere
wart do geslagen unse werde truten here,
dat an al synem lychname nicht heles enbleeff
unde syn dure blōd over alle syn levent dreff.
Se vluchteden eyne scharpe dōrne krone,
- 65 de druckeden se an syn hovet schone,
dat syn hylge dure blōt
- 3 b over syn hilge andlat vlōt.
dar worpen se vort ere vule spekelen an,
dat he wart gestalt alse enn spyttels man.
- 70 se slogen syn hilge hovet myt enem rore

- unde belacheden Marien kynt alse enen doren.
 se togen em enn purpuren kleyt an vnn vyllen upp ere knee :
 'ghegrutet systu der Yoden koningh' hönlyken spraken see.
 Dar negest wart unse leve here vor gericht getogen
- 75 unde menniger hande wys valschlyken beloghen.
 enn valsch ordel wart over em gedân,
 dat me ene scholde an enn krutze slân.
 He droch synes sulves crutze uth der stat,
 tho groter smaheyt schach em dat.
- 80 Se hangeden en daran lyk eynem mysdedegen deve.
 Do bewysede he uns syne groten leve
 in deme dat he vor syne vygende bat,
 dar he af geleden hadde pyne unde groten hat.
 Syner drofnysse was noch vele mere.
- 85 he leyt bynnenwendych al to grot herte swere,
 dô he syne werden moder Marien
 horde bytterlyken sere wenen unde scrygen.
 Dar weren ok twe môrdere gevangen,
 dar wart he smelyken twyschen gehanghen.
- 90 Deme enen vorgaff he in der latesten stunde
 umme eyne korte ruwe al syne sunde.
- 4a Unse leve here rep ok eynen jamerlyken schrey,
 'hely hely lamazabathani.'
 dat ys 'myn got, myn got, worumme hestu my vorgeten?'
- 95 Do bespotteden en de Yoden unde dar entgegen repen
 'kum hyrnedder von deme crutze, bystu Crist,
 so wyl wy loven, dattu godes sone byst.'
 Dar negest eschede unse leve here drynken.
 do leten se em etyk unde gallen schenken.
- 100 Dar neghest sprak he 'consummatum est'
 unde ok 'in dyne hende bevele ik, vader, mynen geyst.'
 Also leyt do den bytteren dot unse leve here.
 ok wart syne hilghe syde dore steken myt enem spere :
 dar vlôt uth water unde blot.
- 105 Dar sach me do an den creaturen yammer grot.
 de harden steyne toreten van synen pynen,
 de sunne let van groter drôfnisse ere schynent,
 de erde began van grotem yammer to heven,
 de doden in den graven begunden ok wedder to leven. —

110 Leve vrunde, gy hebben hort wat gheleden het Ihesus Crist
unse leve here.

nu wil ik juw lesen noch vuste mere,
dat lydent sunte Marien dat wyl wy hyr nu anheven.
God late juw so lange leven,
dat gy syne hulde vordenen,

115 unde helpet huden sunte Marien wenen.

4b Betrachtet huden myt vlyte ere byttercheyt,
de se so swarlyken leyt
umme eres leven kyndes dot,
dar he uns gheloseet mede heft uth aller not.

120 Hyr umme, gy vrowen unde ok gy man,
latet juw ere lydent to herten gân.
bewenet dat von herten ynichlyken,
dat gy mogen myt vrowden ewychlyken
myt gode unde myt Marien wesen

125 unde vor der ewygen helle genesen.

Dat uns dat allen beschee,
so gat sytten up juwe knee.
spreket enn pater noster myt ynnicheyt
unde ok ave Maria to juwer selen salycheyt.

Iohannes post 'pater noster' dicit ad omnem populum

130 Ghat sytten, gy leven kynder, an dessen guden daghe,
horet der reynen junckfrowen Marien weyment unde klaghe.

Beata virgo Maria incipit hic planctum suum dolorosissimum devo-
tissime. Versus

Anxiatus est in me spiritus meus, in me turbatum est cor
meum.

Nu bedrowet sik myn geyst an meynem herten sere,
5a135 nach mer wen gy wyf gewan, dorch mynes kyndes ere.

Sancta Maria dicit et vertit se ad populum

O aller barmhertigeste god,
wo grot ys myne klaghe unde myn not
umme Ihesum Cristum den leven sone myn.

131ff. die hinter *devotissime* stehende abbreviatur scheint, wie im text
gesetzt ist, *versus* zu bedeuten.

132. vergl. fundgr. 2, 260.

Ik vruchte he mot in groten noden syn.

140 Ach woste yk wor yk mochte
ghan dar yk ene sochte,
dar gynghe yk myt wyllen gerne hyn,
scholdet ok kosten dat levent myn.

Beata virgo cantat hoc

Conturbata sunt omnia ossa mea et anima mea turbata est valde.

Sancta Maria statim dicit ad Iohannem

145 Johannes myn leve ôm, wat mach dat beduden?
ghynnert synt gesammelt vele lude.
se ropen lude unde beren swar.
Eya nu gha myt my al dâr.
lat uns beseen wat see bedryven.

Sanctus Iohannes ricum dicit

5b150 Neen, Maria leve medder, wy moget lever blyven.
de Yoden synt eres overmodes also vil.
Vor war ik dy dat saghen wyl,
se brochten sunte Peter darto in desser nacht
dat he synes heren versôk unde syner macht.
155 Schege my armen manne ok also,
des worde yk nummer vro.

Sancta Maria ricum dicit

Johannes myn vil leve vrund,
twyde my an desser stund
unde ga myt my al dar,
160 wente yd ys dar mennich var.
Lat uns beseen wat se bedryven,
yk wyl stede by dy blyven.
myt der warheyt schaltu dat beseen,
yk wyl vaste stân unde ok nicht von dy vleen.
165 Sume nicht, wy mogen nu nicht lenger stan.

Sanctus Iohannes ricum dicit

Maria leve medder, yk wyl gerne myt dy gân,
scholde yk ok daromme lyden den bytteren dot.
yk vorlate dy nicht in desser groten not.

Valde modicum transeunt, scilicet si est opus usque ad medium circuli,
et sancta Maria statim incipit cantare

- 6a O we des ghandes, des yk gha
170 myt yamer unde myt ruwen!
Myn kynt an deme crutze steyt,
myn leyt wil sik vornuwen.
Owe owe
des ghandes des yk nu ghe!
175 Ik mot scrygen yummermer
owe owe!
Bedrovet synt de synne myn, Hic deponit gladium
went de heylant ys in pyn,
de myn kynt ys unde ok myn god
180 unde der enghel sabaoth.
Owe owe, leyder wat ik nu vynde
an mynem herten truwen kynde! Hic deponit gladium
Wor schal ik arme maget blyven?
6b dot, kum her, unde my vorswynde!

Sancta Maria extendit manum ad filium hic, et dicit ad sanctum Iohannem

- 185 See Johannes leve òm,
wat ys gehanget vor uns an den bòm?
ys yd enn mynsche edder enn worm?
id wyndet sik in den neghelen unde drift groten storm.
id mot in groten bytteren pynen syn.

Sanctus Iohannes ricum dicit plangendo

- 190 O we Maria, dat ys dat leve kynt dyn.
see wo yd gevyllet stât,
unde ok up synem hilgen hovede hât
van scharpen dôrne eyne krone.
Dat hilge blot vlut over syn antlat schone,
195 ok over syne ogen bet in syne munt.
O we Maria, see wo yd steyt gewund.
Dat mochte eynem stene entfarnen.
o leven kyndere, helpet dat altomale bebarmen.

169. vergl. fundgr. 2, 281, 15—18 und 261, 20.

181. vergl. das. 262, 15—18 und 282, 1—12.

Sancta Maria respondet

O we, ys dat myn leve truten sone?
 200 ik wolde dat syne scharpen dorne krone
 up mynem hovede sete an dessen stunden
 unde syne mennichvoldigen depen wunden
 vor em weren an mynem lyve,
 uppe dat he mochte levendich blyven.

Et cantat

205 O we yamer unde not,
 o we mynes leven kyndes dot,
 7a den ik an herten drage
 unde so yamerliken klaghe.
 Yo gha ik wedder unde dort,
 210 noch entret hyr nemant vort, *Hic plaugit cum manibus*
 de desse martere beweynede.
 Owe elende!
 Owy owe my huten unde jammermer
 umbe mynes kyndes dôt!
 215 myn kummer ys so rechte grot. O wy o we!

Et dicat ulterius

Eya moderlyke herte,
 wat lydestu pyne unde smerte!

Dominus Iesus dicit habens crucifixum ante se

Myn volk, wo seer hestu dy an my gewraken!
 ik hebbe dy doch nicht to leyde gedan edder gespraken.
 220 Myn volk, yk vorede dy over dat wylde meer
 unde vordruckede Pharaonis heer.
 ik reghende dy enghelsch brod
 yn der wôstenyge to dyner nôt.
 Darumme hestu my ghevangen
 7b225 unde dar to an dat crutze gehanghen.
 De vosse hebben ere kulen

209. vergl. fundgr. 2, 262, 27—29; 282, 7—9.

216. vergl. das. 263, 6—7.

215ff. *Popule meus, quid feci tibi aut in quo contristavi te? . . . ego eduxi te de Aegypto, demerso Pharaone in mare rubrum, . . . ego aperui ante te mare, . . . ego te pavi manna per desertum, . . . et tu suspendisti in patibulo crucis.* (Improper. der karfreitagsmesse, Miss. Rom. s. 201.)

dar se ynne schulen,
 de vogele hebben ere neste,
 de heren hebben ere gheveste:
 230 des mynschen sone leyder nicht enhât
 dar syn kranke hovet ane stât.
 Owy unde we! wart doch ny mynschen so we!

Sancta Maria cantat post hoc
 Yk horede enen rôp,
 dat ys myn kynt Ihesus, de myr geschop
 235 unde al de werlt gemeyne.
 Des mot yk arme schrygen unde weynen.
 Van Iherusalem vrowen,
 nu helpet huden schowen
 mynes leven kyndes dot,
 240 dat hyr hanget naket unde blot.
 O wy o we!

Sancta Maria dicit post hoc ricum
 8a Ach wo grote pyne unde smerte
 lydet myn arme bedrovede herte
 umme mynes leven kyndes byttercheyt,
 245 dat in so groter not an deme hilgen crutze steyt.
 Weren unse herte ok van steynen,
 se mosten doch nu mede weynen.

Sancta Maria vertit se ad filias Iherusalem dicens vel cantans
 Weynet, gy truwen susteren myn,
 helpet my armen drovych syn
 250 unde klagen myne not.
 Myn kummer ys worden grot
 umme mynes kyndes dôt.

Et dicit ultra ad filias Iherusalem
 Gy leven sustere, latet juw untbarmen
 huden over my vyl armen.
 255 seet an myne smerte unde grote byttercheyt,
 de yk an mynem herten drage umme mynes kyndes leyt.

Sancta Maria Magdalena
 Heu quantus luctus

232. vergl. fundgr. 2, 268, 13—20.

233. vergl. das. 282, 1. 2.

nobis est inductus
pre hac tristitia!

260 O we uns armen!
got late sik erbarmen
over unse grote leyt.

8b *Santa Maria Magdalena vadit ad medium et dicit ricmum*

O we wo grote yamercheyt
uns armen vrowen nu besteyt

265 dorch de bytteren martere unses leven heren,
den huten de Yoden myt groten uneren
unde myt unschult hebben to deme dode bracht.
Eya dyt ys wol enn bedrovet dach,
dat wy ene vor uns hanghen seen.

270 wo mochte uns groter leyt bescheen?
O leve here Ihesus Christus, wo gherne storve yk umme dy,
wente van groten sunden hestu ghelosest my.

Et cantat ulterius pro gratiarum actione
Ghelavet systu, here Ihesu Crist,
went du also barmehertich byst

275 dattu dy yo wult irbarmen
over my vyl armen.
Du hest gelosest my:
des wyl yk jummer laven dy.

Maria Magdalena dicit statim ad beatam virginem
O Maria, eddele reyne maghet,

280 dyn grote lydent sy deme leven gode gheklaghet.

Mater Iohannis evangeliste cantat post hoc

Iam auctor lucis
nunc in ligno crucis
stat in augustia.

9a Nu sy wy myt sorgen
285 huten gar vorborgen
unde in der yamercheyt.

Mater Iohannis dicit

O we grote not unde smerte
lyden nu unse bedroveden herte,
wente wy Ihesum Christum, der waren sunnen schyn,

290 in groter yamercheyt vor uns hangen seen.
 O leven kyndere, bewenet nu unses heren dot,
 uppe dat he uns mote losen uth aller nôd.
 O leve here Ihesus Christ, mochte yk nu myt dy sterven,
 unde also dyne hulde vorwerven!
 295 Ik sumede nicht bet to morghen
 unde wolde dar ok nicht vore sorghen.
 Maria leve suster, dyn grote lydent unde weynen
 mochte untfarmen deme harden steyne.

Sancta Maria vertit se ad populum et dicit
 Ach wo grote pyne unde smerte
 300 lydet myn arme bedrovede herte
 umme mynes leven kyndes byttercheyt,
 de in so groter not an deme hilgen crutze steyt.
 Weren unse herte ok van steynen,
 see mosten doch nu mede weynen.

Maria cantat
 305 Vrung Johannes, neve gute,
 help my armen godes moder
 klagen mynes kyndes levent,
 dat deme dode ys gegeven.
 O wat Christus duldet
 310 unde an deme crutze swevet
 gar al unvorschuldet.

*Sancta Maria ad filium suum benedictum dicit hoc et ad sanctum
 Iohannem evangelistam*
 O wy unde we, wo grot herteleyt
 is my armen bedroveden moder nu bereyt,
 o leve kynt, umme de bytteren marter dyn!
 315 hiir umme, Johannes leve neve myn,
 help my armen moder beklagen unde beweynen
 Ihesum Christum den vyl reynen,
 den de Yoden hebben gevanghen
 unde ok an dat hilge crutze ghehangen.
 320 Leve ôm, lat dy dyt to herten gân,
 wente he dy alle gud heft gedân.

Sanctus Iohannes cantat et vertit se ad populum
 Tristor et cuncti tristantur

de tua tristitia;
 tecum lacrymantur,
 325 eructant suspiria.
 Hic rubescit oculus,
 flet fidelis populus
 de Christi mestitia.
 Maria moder unde maget reyne,
 330 yk byn dyner suster kynt.
 dyn grote scrygent unde dyn weyent
 klagent alle de hiir synt.
 Hiir wert vyl mennich oge rot
 umme dynes kyndes dot,
 335 dat hiir hanget ver uns blot.

Iohannes ultra dicit ad Mariam matrem Christi
 Maria leve medder, he scholde enn steynen herte dragen,
 de dynes kyndes dot nicht kunde helpen beklagen.
 Wart gy mynsche so steynen,
 de nu myt uns nicht kunde weynen?
 340 Maria leve medder, we nu wyl rechte overdencken
 unde ok in syn herte sencken
 dyn weyent, dyn scrygent, dynes reynen herten not,
 unde dynes leven kyndes bytter dot,
 de mot myt dy trurent han
 345 unde aller werlde valsche vrowde lân.

Sancta Maria Magdalena et mater Iohannis evangeliste simul cantant
 O quam tristis et afflicta
 fuit illa benedicta
 mater unigeniti!
 Quis est homo qui non fleret,
 350 matrem Christi si videret
 in tanto supplicio?

Mater Iohannis dicit ricum
 Ach ach wo sere lyde wy grote swere
 umme dy, o leve truten here!

10b Sancta Maria cantat et vertit se ad occidentem
 We helpet klagen myn grote leyt?

355 myn yamer de ys worden breyt.
 Wo kan ik arme dat nu dragen,
 went yk in alle mynen dagen
 ny vornam sulke swere!
 Horen noch seen yk en kan;
 360 so grot leyt ny wyf gewan
 so yk arme nu dulde,
 went he stervet ane schulde;
 dat komet von syner lere.

Hic Maria virgo inspicit filium et elevat manus ita cantans
 Trut sone myn,
 365 de moder dyn
 an desser stund
 ut herten grunt
 dy byddet ynnichliken: *Hic subtrahit manus*
 Giff my dynen dot
 370 in desser not. *Hic tangit pectus*
 myn herte brich,
 went ik see dich
 hangen so yamerlyken!
 Herten kynt, srych!
 375 myn not ys so bytterlich.

11a *Hic Iohannes capit gladium ambabus manibus, cum eo tangens virginis pectus genibus flexis, et Maria cantat ulterius*
 Trut sone wert,
 my geyt enn swert *Hic elevat oculos ad filium*
 van yamer dorch myn herte.
 Do up dyne ogen, see my an,
 380 lose myner sorgen bant!
 Trut sone kynt,
 blodich dyne lede synt,
 dat gift my grote smerte. *Hic vertit se ad occidentem et tangit pectus*
 Brich herte myn, brich,
 385 went yk hiir sta so bytterlich!
 so enmach nemant trosten mych,
 wen de dot alleyne.
 Ik bydde dy, dot,
 kum lose my uth desser not!

- 390 My ys worden myn herte dot,
 ik enmach nicht mer weynen!
 Eya valsche Yoden kynt, *Hic vertit se ad aquilonem*
 wo synt gy myt synnen blynt,
 11b dat gy myn trut leve kynt
 395 aldus ane schult vorderven!
 Wat han ik arme yu gedan,
 dat gy myn levent lan
 in so groter swere stan?
 yk wynsche myt em to sterven.

Hic Maria Magdalena et mater Iohannis cantant secundo simul sicut prius canticum 'O quam tristis et afflicta' et mater Iohannis dicit ricum 'Ach ach wo sere' ut prius. post hoc statim beata virgo Maria, si potest hoc commodose fieri, incipit secundo cum omni devotione canticum 'We helpet klagen myn grot leyt, myn yamer de ys worden breyt' ut prius et cantat ex integro cum omnibus gestibus sicut prius. Sancta Maria, quum finiverit canticum istud secundo, dicit ricum

- 400 Eya schone boven alle schone,
 eya herte leve sone,
 wor ys dyne schone hen gevaren?
 du werest de aller schoneste gebaren
 de gy van modder lyve gebaren wart,
 405 also wunnychlyk unde tzart.
 Wy weren dyne wanghen,
 oft se myt rosen weren behanghen.
 dyn antlat scheen also de sunne,
 dyn ogenblyk was also enn vrolyk wunne.
 410 O leve sone Ihesu Crist,
 wo sere du nu gewundet byst.
 12a dy synt dyne lede von blode rot,
 wentu an deme crutze lydest grote not.
 Eya du valsche Yoden deyt,
 415 du werest da sere to bereyt
 dat du myn leve kynt mochtest bevlecken.
 ik wyl dat wedder bedecken. *Hic velat*
 Id schal nicht lenger nacket stan,

mynen dôk wyl yk em umme slân;
 420 wente yk arme moder Marie
 eynen anderen doek wedder lye.

*Beata Maria accipit hic pannum de serico album, cum quo tegit
 lumbos crucifixi, quem iuvenis quidam tenet cum gladio Symeo-
 nis, et statim subdit*

Leven kyndere, my ys grot not dat yk weyne.
 O Maria Magdalene,
 o wat lydet nu dat leve kynd myn,
 425 unde ok de werde truten meyster dyn!

Maria Magdalena respondet
 Maria aller junckfrowen enn ere,
 yk bekenne wol wat myn leve truten here
 nu lydet vor uns allen;
 yk mot van ruwen nedder vallen,
 430 unde beweynen syn grot herteleyt.
 O wo he an deme crutze steyt! *Elevat oculos*
 Eya Maria, neen mynslik herte
 kan begrypen syn lydent unde grote smerte.
 O du valsche Yoden deyt,
 435 du makest dat yk mot syngen enn klageleyt.

Maria plangit in medio circulo Maria (so) cantando ut sequitur
 Maria moder, reyne schryn,
 dyn klagent wundet sere myn,
 darto de pyn
 des leven truten heren myn.
 440 Here, wo grot ys nu dyn not!
 beweynen mot yk dynen dot;
 der gnaden sot
 lyt den starcken swaren stot.
 Yk lave dy leve here
 445 an mynem herten sere
 nu unde jummermere.
 wo gud was dyne lere!
 des lyde yk grote swere
 wor yk my henne kere,
 450 o koningh aller eren!

Maria Magdalena dicit
 O du arme Yoden kynt,

- wo sere byst du nu vorblynt,
dattu mynen leven truten heren
myt so groten uneren
455 ghebunden hefst unde gevanghen,
darto in dat crutze ghehanghen!
13a O Maria, syn lydent heft unse herte dorgesteken,
also dat wy alle nicht vele mer konen spreken.
Alle gy leven vrunde, de gy hyr nu umme stân,
460 latet juw unses heren lydent to herten gân!
wylle gy na dessem levende myt vrowden syn,
so danket em vor desse grote sware pyn.

*Sancta Maria planctum istum cantat bis et elevat brachia et plangit
cum manibus et hoc quum pausat et tacet*

- O wy o we, wat lydet nu myn herte!
o wy o we, dat lydet grote smerte!
465 O wy o we, myr ys rechte so en swert *hic expandit manus*
dorch myne zele unde ok dorch myn herte vert!
O owe dat ys my nu beschert!
O owe schach my ny so leyde!

- Virgo Maria dicit ulterius ad populum*
Nu schowet, gy salygen lude,
470 dessen groten martere hude.
van yamer unde van smerte
dorch ghesneden ys myn herte.

- Hic tangit cor eius cum gladio dicens sic*
13b Schowet wo Symeonis grymmige dovendige swert
dorch myne sele unde ok dorch myn herte vert.
475 Gy saligen vrowen unde man,
latet juw dat seer to herten gan
unde byttet den ryken got
dat he juw behode vor alsodane not
dat gy an juwen kynderen
480 nummer alsulken yamer vynden.

Mater Iohannis evangelistae cantat post hoc
Ach wo sere
lydestu here
grote pyne
umme de dynen,

485 borne der barmherticheyt.
 yk wyl laven
 allen baven
 dyne gnade
 vro unde spade
 490 alle tyt myt ynnicheyt.

Et dicit ulterius
 Ihesu Criste, dyn grote herteleyt
 unde Marien, de so drovich hyr vor uns steyt,
 maket mennighen syne oghen rot.
 Help uns leve here uth aller not,
 495 troste myne leven susteren Marien,
 unde ok de nu umme dy weynen unde scrygen!

Hic vertit se ad populum beata virgo Maria
 Groter klage ys myr not.
 o we leghe yk vor en dot!
 14a Schypper vader ys he myn
 500 unde yk syn gebarerin.
 Syne wunden dot mir we.
 myner klage ys noch mer,
 dattu herteleve trut
 wedder my nicht machst werden lut.
 505 Hertenkynt nu troste mych, Vertit se ad filium
 see my nu an unde sprich:
 Wentte yk in den sweren sta
 unde ok nicht weyt wor yk gha.

Hic Maria levat oculos ad filium et dicit
 Eya herteleve kynt, mochtestu my doch tospreken!
 510 myn herte mot anders mydden entwey breken.

Inspicit filium cantans
 O spryk, leve kynt myn, an desser stund
 uth diner gotliken munt:
 we schal myn trost werden
 hyr uppe desser erden?

Et dicit
 14b 515 Eya moderlyke herte,
 wat lydestu pyne unde smerte!
 Z. F. D. A. neue folge I.

yk see mynen leven sone weynen.
 ja were myn herte ok steynen,
 yd moste doch nu tobreken.

520 Eya leve sone, kondestu spreken! *Inspicit filium*
 Spryk my doch nu enn wort to,
 dat my jummer wol do,
 de wyle dat yk na dy leve.
 Hyr steyt Johannes, myn leve neve,
 525 de ys gar enn drovich man.
 o leve kynt sprik, wat schole wy beide an gan?

Dominus Ihesus dicit hic ad matrem suam
 Vrowes name, do na myner lere,
 weyne unde scryge nicht so sere.
 dyn grote weynent unde scrygent
 530 myne bytter marter vornyget.
 Allent dat an my nu wert gewraken,
 dat hebben de propheten von my gespraken,

Et cantat sic
 Hely hely lamazabathani.

Dominus Ihesus dicit ricium
 Myn god, myn hemmelsche vader, see an myr,
 535 wes hestu my vorlaten hyr
 yn so bytterlyker swere,
 meer den sandes heft dat meere.
 seet altomale an myk :
 wart gy martere des ghelyk,
 15a 540 de yk vor den sunder nu lyde?
 My aller werlde wyde
 ys nu worden alto enghe.
 Ach myn not ys nu alto strenghe,
 yk byn enem worm unde nenem mynschen ghelyk,
 545 en spot der werlde bekenne yk myk.
 Hemmelsche vader, my nicht vorlate,
 wente alle dynck stân an dynem rate.

Maria virgo respondet
 Nu hebbe ik vorlaren allent dat yk hân

unde ok allent dat yk gy gewan.
 550 my deyt not dat yk drovich byn.
 O leve sone, wo schal dyne arme moder hin?
 we helpet my unde we gift my råd
 van alle den luden de hyr umme stât?
 o leve kynt, schal yk nicht myt dy sterven,
 555 men aldus yamerlyken vorderven,
 so bedenke, leve sone, myn arme elende levent.
 myn lyf unde myne zele hebbe yk dy ghegheven.

Ihesus cantat et post hoc dicit ad matrem
 Mulier ecce filius tuus.

Werde maget unde moder myn,
 560 Johannes schal dyn hoder syn.
 hebbe ene tho eneme kynde,
 yd wyl sik nu anders nicht vynden,
 unde lat dyn grote weynent syn.
 15b dyn lydent ys my also grote pyn.
 565 darumme byn yk van dy gebaren
 dat myne vrunde nicht werden loren.

Sancta Maria plangit semel cum manibus et Iohannes apponit gla-
 dium Symeonis

O wy o we der wesselingen schicht,
 de huten schut an mych!
 seed wo dyt scharpe swerd
 570 dorch myne zele verd.

Et dicit elevata facie ad filium
 Leve kynt, mynem herten ys so banghe,
 unde dat mot waren noch so lange.
 och mochte yk myt dy lyden den bytteren dot!
 myn lydent ys nu mer wan to grot.
 575 o allerleveste yk mot nu von dy scheyden!
 sprek, leve kynt, wy trostet nu uns beyden?
 Johannes leve òm myn,
 yk wyl dy gerne horsam syn.
 Johannes, wy vorlesen an desser stund
 580 Ihesum Cristum unser herten aller levesten vrund.

Maria Magdalena et mater Iohannis cantant ut prius planctum 'O
 quam tristis et afflicta.' et mater Iohannis dicit 'Ach ach wo
 sere' ut prius. dominus Ihesus cantat et dicit ad Iohannem
 Ecce mater tua.

Et dicit ad Iohannem ricum
 16a Johannes junghere ghute,
 see nu an dyne leven moter.
 yk mot nu van hynnen varen,
 585 dar umme schalt du see wol vorwaren.
 yk mot nu wedder keren
 to mynem hemmelschen vader unde heren:
 see schal nu wesen de moder dyn.
 plech erer else my.
 590 Johannes, do dorch dyne gote
 nym se an dyne hode,
 troste see leflyken in erer not,
 wan yk hebbe geleden den bytteren dot.

Iohannes respondet
 Here unde meyster, dat schal my ghetemen.
 595 yk wyl se gerne to my nemen,
 unde vor myne leven moder utfân.
 Yk wyl se nummer mer vorlân.
 gerne wyl yk se nemen an myne hute.
 wat yk er ok kan dôn to gute,
 600 dat wyl yk von herten gerne don de wyle dat ik leve.
 O leve here god, nu gheve
 uns beyden den dot,
 wente yd ys uns warlyken not.
 ach leyder de spegel wyl uns entgân,
 605 dar alle de werlt kan by bestân.
 We kan nu syn trurent lân,
 o hemmelsche god, von allen luden de hyr umme stân?

Ihesus cantat post hoc
 16b Pater, dimitte eis.
 Nu schal ok eyn ende syn
 610 der groten bytter marter myn.

o hemmelsche vader, yk bydde dy,
 an mynem ende twyde my:
 vorgiff nu ganslyk
 den de my so yamerlyk
 615 myn levent hebben ghenomen.
 Dat ende mynes levendes ys nu ghekomen.

Ihesus cantat post hoc
 Consummatum est.
 Aller propheten sproke synt nu vullebracht,
 de van des mynschen sone gy worden bedacht.

Dominus Ihesus clamat valida voce dicens
 620 In manus tuas commendo spiritum meum.
 Ik bevele an de hende dyn
 mynen geyst, o hemmelsche vader myn.

Sancta Maria audiens hoc cantat valida et lacrimabili voce, prosternendo se ad terram, plangendo manibus
 O wy o we nu ys he dot!

Maria Magdalena statim levat eam
 Sta up, junckvrowe Maria, unde wende dynen môt.
 625 dynes kyndes martere schal mennighen wesen gûd.

Sancta Maria cantat secundo prosternendo se ad terram plangendo
 O wy owe, nu ys he dot!

Maria Iohannis statim levat eam dicens
 14 a Maria leve suster myn,
 sta up unde lat dyn grote weynent syn.
 dyn scrygent unde ok dyn weynent
 630 untfarmen mach den harden steynen.

Sancta Maria cantat tertio prosternendo se et plangendo manibus
 O wy o we, nu ys he dot!

Iohannes ewangelista dicit levando eam
 Maria nuwe moder unde leve medder myn,
 sta up unde lat dyn grote weynent syn.
 yd mach nu nicht anders wesen.
 635 is he dot, he mach wol wedder genesen.

619. vergl. fundgr. 2, 271, 24—26.

627. vergl. das. 265, 25 ff.

Sæneta Maria plangit post hoc et vertit se ad populum

Nu vornuwet sik myn not,
den yk yamerlyken drage,
unde so klegeliken klage.
o we wat heft he gedan?
640 hedde gy em dat levent lân
unde genamen myr dat lyff!
wat schal yk vyl arme wyff?
yk byn syner worden anych.

Iohannes dicit

Maria nuwe moder unde leve medder myn,
17b 645 och lat dyn grote weynent syn.
yd mochte anders nicht wesen:
he moste sterven, scholde de werlt ghenesen.

Sancta Maria cantat post hoc

O we weer
heft syn speer
650 dar to bereydet
dat he dich
unde mich
so yamerlyken scheydet?

Iohannes dicit ad hoc tenens gladium in manibus

O Maria, dyn lydent ys also grot,
655 yd maket mennigem mynschen sine oghen rot.

Iohannes cantat post sicut prius 'Maria moder unde maget reyne.'

Sancta Maria cantat post hoc

Nu ys ok weynent myr bescheden,
went yk synen dot moet seen,
den ik ane swere gâr
moder unde maget gebâr.
660 Ihesu Criste leve kynt, ware mynsche unde ware god,
du bekennest wo grot nu ys myner zelen not
umme dat grote lydent dyn
unde dat yk dyner mot anych syn.

Maria Magdalena devote plangit post hoc

De sunne de lyt, sol

665 de steyn toryt, petre
 dat laken splyt, velum templi
 wo we ys myk,
 god, umme dyk.
 de Yoden bekeren sik. et percutiebant pectora sua

670 de erde bevet, terra
 18 a de doden levet. monumenta
 myt herten unde mund
 an desser stund,
 o werde here,

675 wy dy danken nu so sere.
 Ihesu Criste, Marien kynt, o ryke god,
 wat lyde wy nu umme dynen bytteren dot,
 o allerleveste troste de armen kyndere dyn,
 sunderges Marien de leven truten moder dyn!

Sancta Maria plangit ulterius dicens

680 O we dot,
 dessen not
 mochtestu wol wenden,
 woldestu van dyr
 hyr to myr
 685 dynen baden senden.

Maria dicit

Eya eya moderlyke herte,
 wat lydestu pyne unde smerte
 umme Ihesum Cristum den leven sonen myn,
 wente yk mot nu syner anych syn!

Nota. planctum sequentem beata virgo cantat bis, quia devotissimus est, si fieri potest commodose. in isto cantico, etiam in ricmo sequenti sanctus Iohannes tenet gladium Symeonis devotissime flexis genibus in manibus suis directe ante beatam virginem, cum quo tribus vicibus tangit pectus ejus devote

690 Symeonis grymmige swert, hic tangit primo
 du byst my unvorborghen.
 18 b du byst my lange vorbescherd, hic subtrahit

665—66. Matth. 27, 51. 669. Luc. 23, 48.

670. Matth. 27, 51. 671. Matth. 27, 52.

des mot ik sere sorgen.
 De sunne vorlust eren schyn
 695 alder werld gemeyne,
 de erde bevet dar se licht,
 ok kloven syk de steyne.
 Dot, kum, nym uns beyden,
 dat ik nicht eyne
 700 van em enscheyde
 so jamerliken.
 Syn blot my nu rodet, tangit secundo
 syn dot my nu dodet,
 syn not my nu nodet
 705 myt em ghelyke.

Maria dicit ulterius ad populum
 O gy saligen lute,
 schowet dessen groten jamer hute
 an moder unde an kynde!
 seet wo rechte swynde hic tangit tertio
 710 Symeonis scharpe dovendyge swert
 dorch myne sele henne verd
 unde ok dorch myn bedrovede herte.
 desse bytterlyke smerte
 propheterede my her Symeon,
 715 do ik Ihesum Cristum mynen leven son
 in den tempel godes brachte.
 he sprak 'o maget nu wachte,
 dy byst dynes modes nu so vro:
 yd schal noch kommen also,
 720 dat enn scharp swert schal treden
 dorch dyne sele unde dyn kynt darmede.'

Mater Iohannis ewangelistae plangit post hoc et cantat
 O godes kynt, wo blodich synt
 alle de hilgen lede dyn!
 dat gift myneme herten pyn.
 725 O du aller hogeste gud!
 ik nu sere beweynen mod
 dynen groten swaren dot.
 Owy unde owe over unsen not!

gheleden heft den swaren dot
 730 Ihesus Cristus unse leve here.
 Leven kyndere helpet uns mede weynen sere.
 beter were wy ungeboren,
 worde syn hilge lydent an uns verloren.

Sancta Maria cantat post hoc
Flecte ramos arbor alta
 735 *tensa laxa viscera,*
et rigor lentescat ille
quem dedit nativitas
ut superni membra regis
miti tendas stipite.

Sancta Maria dicit et inspicit crucem
 19b740 O du eddele bōm van hoger werde,
 boge dy enn kleyne to der erde,
 dar ik kussen moge den leven sone myn.
 o wo drovych mot ik lange syn,
 dat yk synes nicht kan aflangen.
 745 o leve kynt, wo hoghe bystu nu ghehangen!
 Ny quam creature in so grote not,
 also du, Ihesu Criste, o hemmelsche got.
 we kan dy des danken, o ryke godes kynt?
 troste my unde alle de nu umme dy bedrovet synt.

Iohannes respondit
 750 O eddele junkvrowe Maria unde reyne maget,
 dyn herteleyt sy gote von hemmelryke geklaget.
 unse medelydent wil sik nu erste vornnygen.
 ik mōt myt luder stempnen uth mynem herten scrygen
 unde ropen myt dy in den hemmel, o Marie.
 755 leven vrundes, besuchtet unde beweynet nu mede unses
 heren dot,
 dat he juw behode unde beware vor der ewygen helle nōt.

Iohannes cantat et vertit se ad Mariam virginem
 Maria, moder bystu myn,
 so byn yk de sone dyn.

734. aus *Crux fidelis inter omnes.*

- Cristus myn meister dy my bevalen hat,
 760 went dyn heyl nu an myr stat.
 so lat trud moder dyn weynent. *Hic apprehendit manum beatae*
 Wo grot ys myn herteleyt, *Hic subtrahit* *virginis*
 went yk see des yamers kleyt
 an der werden junckfrowen schynen.
 765 myt so bytterlyken pynen
 wultu doden my enen.
 God here meyster ys he myn,
 so byn ik de junger syn.
 he gaf dy to ener moder my,
 770 do toch he my to sone dy,
 de wyle he levede an dem crutze.
 Up synen brusten yk untsleep,
 myn herte syne gotheyt grep.
 ik weyt, he ys van wyllen dot,
 775 myt wyllen let he de marter grot.
 dat nym an dyn herte sute.
 Sulken trost han nu van myr:
 ik wyl wesen enn hoder dyn,
 wente my bevalen bist,
 780 unde dyn heyl vorstorven ist.
 de prophecie ys vullenbracht,
 he heft vorvullet des dodes macht.
 myt truwen yk dy meyne, *Hic apprehendit iterum manus*
 so lat trut moder dyn weynent.
 785 Maria medder unde moder myn,
 och lat dyn grote weynent syn.
 herteleve benedygete maget,
 hebbe enn herte unvorsaghet,
 wente yd mochte nicht anders syn,
 790 dyn leve kynt moste lyden pyn
 vor alle mynsliken kunne.
 dar na schal yd myd wunne
 upstan van dode unde mit vrowden dy schynen,
 unde alle den leven jungeren synen.
 795 dat schût an deme drudden dage.
 lat moder maget dyne klage.
 Darnegest schal he ok to hemmel varen

myt synen groten hemmelschen scharen.
 in synes hemmelschen vaders trone
 21a800 blyvet he ewychliken schone.

Sancta Maria respondet
 O Johannes, dat grote unschuldige lydent syn
 wundet so sere lyf unde sele myn,
 dat yk mot weynen unde scrygen
 unde kan dat ok nicht vortygen.

Planctus ultimus beatae Mariae, quem facit bina vice
 805 Johannes nuwer sone myn,
 ik medder unde moder dyn
 bydde, help my weynen
 unde klagen Cristum den reynen,
 synt weynent ys nu worden tyd.
 810 dorch aller werlde myssedaet
 de hemmel an drofnissen stat.
 steyne erden van vruchten stoten sik
 umme Cristus dôt so bytterlyk.
 grote swere an mynem herten lyt.

Maria post hoc dicit lacrimabiliter ut sequitur
 815 Owy unde owe dat ik gy wart gheboren!
 ik hebbe myn herteleve truten kynt vorloren,
 dat ys my af gemordet gâr
 dat hanget hyr bleek unde dôtvâr.
 Leven kyndere, ik byn van jammer also krank,
 820 dat my benomen ys de ganck.
 ik mach nu nicht mer gân,
 ok nicht up mynen voten stân.
 myn herte wyl van jammer tobreken,
 myn munt mach ok nicht mer spreken.
 825 Johannes, lose nu af den dôk doch
 den yk em umme syne hilgen syden sloch.
 dar ys ynne dat hylge dure blot,
 dat ute synen depen wunden vlot.

dat mochte noch up desser erden
830 mennigen mynschen to troste werden.

*Hic Maria cadit ad terram prae nimio dolore et Iohannes solvit
pannum levansque matrem domini et dicit amicabilem et con-
solatorie*

Sta up, Maria mynes heren aller leveste trut,
unde troste doch dynen gar drovigen mot.
dat ys des mynschen salicheyt en grot deyl,
dat gestorven ys Ihesus Cristus, unse ganze heyl.
835 de mynsche moste syn verloren,
were unse leve here van dy nicht geboren.
umme uns armen wolde he mynsche werden,
dar to quam he up erden
22a nach der propheten sroke allermeyst
840 also du sulven aller best weyst.
he wolde den mynschen losen,
umme syne gude van der walt der bosen
unde ok umme syne groten barmherticheyt
heft he vordreven unse ôlde leyt,
845 dat van unsen ersten elderen quam,
alse uns de scrift secht van Even unde van Adam.
dat he den dot ok gy gewan,
des scholen en loven sere vrowen unde man.
Reyne junckfrowe Maria, lat dyne klaghe.
850 he wârlîk wyl upstân in deme drudden daghe.
so schaltu en myt groten vrowden seen
meer den mynslik herte kan denken unde gheen.
Darân denke, o moder gute,
unde ga myt my an myne hute.
855 du schalt wesen de leve moter myn.
ik wyl dy alletyd underdanich unde horsam syn.
de junckhere unses heren scholen dat merken
dat yk dat bewysen wyl myt wyllen myt worden unde ok myt
werken.

Sancta Maria ricum dicit voce lacrimabili ultimo dicens
Johannes myner leven suster kynt,
860 wy altomale sere bedrovet synd,

also du wol west, umme unses leven heren, mynes leven kyndes, dôt.

ik weyt dat wol dat he desse marter grot gheleden heft vor alle de werld gemeyne.

Hic vertit se ad filium

O leve here Ihesu Criste, yk bevale my dy alleyn
 22b 865 unde sunte Johanse deme leve junghere dyn.
 he mot nu vor dy myn kynt syn.
 van weynende unde van suchtende kan yk nicht mer spreken,
 myn arme herte wyl mydden entwey breken.
 O Ihesu Criste, mynes herten aller leveste kynt,
 870 troste uns unde alle de nu umme dy bedrovet synt.
 dyn hilge lydent mote uns syn to vromen,
 dat wy altomale moten in dat ewyge levent koinen.
 Johannes leve truten sone myn,
 yk wyl dy to allen tyden horsam unde underdanich syn.

Sanctus Iohannes concludit post hoc planctum beatae Mariae virginis devotissime dicens

875 O leven vrundes, gy hebben gehort an dessem guden dage
 unses heren lydent unde unser leven vrowen klage.
 ere hilge lydent mote uns allen syn to vromen,
 dat wy altomale moten in dat ewyge levent koinen
 unde myt Marien mogen in deme hemmelryke
 880 beschowen Ihesum Cristum unsen leven heren ewychlyken.
 dat uns dat altomale beschee,
 so stat up unde gat sytten uppe juwe beyde knee.
 spreket enn pater noster myt ynnicheit
 unde ave Maria to juwer selen zalicheit.
 885 ik bevele juw gode unde sunte Marien.
 damede wylle wy unse klagent vortygen.

Post hoc unusquisque ponit se ad genua cum omnibus circumstantibus devote et sanctus Iohannes dicit collectam sequentem alta voce pro omnibus 'Oremus'

Interveniât pro nobis, quaesumus, Domine Iesu Christe, nunc et in hora mortis nostrae apud tuam immensam clemen-

887. *interveniat* u. s. w. wird als *oratio* am fest der *septem dolorum b. Mariae* v. gesprochen. Miss. Rom. (*fer. sexta p. dominicam passionis*).

tiam beatissima virgo Maria, cuius felicissimam animam in hora amarae passionis tuae gladius doloris pertransivit.

Coniunctim

Beati Iohannis apostoli tui et ewangelistae nos, quaesumus, domine, tibi votiva commendat oratio, cui moriens in cruce matrem virginem virgini commendasti, qui vivis et regnas cum deo patre in unitate spiritus sancti deus per omnia saecula saeculorum. omnes dicunt 'Amen'.

Iohannes ewangelista statim extendit manum suam et benedicens omnem populum cum eadem benedictione quam dicit sacerdos finito sermone.

Ultimo rector incipit psalmum 'tenebre facta sunt' cum quo vadunt usque ad summum altare ordinate et devote et simul omnes cantant usque ad versum. quo finito omnes inclinant se ad gloriosissimum sacramentum humiliter. post hoc unusquisque vadit vias cum gratiarum actione.

Nota. quum exeunt primo cantant psalmum sequens

Circumdederunt me viri mendaces. sine causa flagellis ceciderunt me. sed tu, domine defensor, vindica me.

Dominus Ihesus solus cantat versum

890 Quoniam tribulatio proxima est et non est qui adiuvet.

Quando intrant cantant responsorium sequens

Tenebrae factae sunt dum crucifixissent Ihesum Iudei.

Et circa horam nonam exclamavit Ihesus voce magna

Deus meus, deus meus, ut quid me dereliquisti?

Et inclinato capite tradidit spiritum.

Et sic est finis huius planctus.

Diese durch genaue scenische angaben und durch ihren zusammenhang mit stücken ähnlicher art nicht unmerkwürdige Marienklage ist enthalten in der miscellanhandschrift 53 der Kieler universitätsbibliothek, die mit andern aus dem ehemaligen kloster Bordschholm, einem Augustinerstift, stammt und deren inhalt Ratjen in dem zweiten programm zur geschichte der bibliothek (schriften der Kieler universität 1863. VI, 2) s. 78—81 verzeichnet. der probst Johannes Reborch führt in dem catalog der klosterbibliothek vom j. 1488

889 ff. *quum exeunt*, d. h. wenn sie heraustreten zum beginn des spiels; *quando intrant*, wenn sie nach beendigung des spiels ins innere zurückgehen.

(*Ratjen erstes programm 1862 s. 40*) die *hs.* schon mit auf. sein name steht auch auf ihrem vorderen deckel und das sechste stück des bandes, den *stimulus dilectionis domini des heiligen Bernhard*, hat er nach der unterschrift im j. 1476 in dem pommerschen kloster *Jasenitz bei Stettin*, das damals von *Bordesholm* aus reformiert wurde (*Ratjen s. 43*), abgeschrieben. auch der *planctus*, das dritte stück des bandes, an das sich als viertes und fünftes auf besondern lagen der *tractatus Bernardi de planctu Marie virginis und omelia Bernardi (vel Victorini) super illud evangelium Iohannis 'stabat juxta crucem'* anschließen, kann den schriftzügen nach sehr wohl von *Reborchs hand* herrühren und könnte mit aus *Jasenitz* stammen; das papier des ganzen bandes scheint dasselbe. die gesangstücke sind mit noten versehen, die hier wegbleiben mussten. als probe findet man den ersten gesang der *Maria v. 132—135 Anxiatus — kyndes ere* in die heutige notenschrift umgeschrieben bei *Ratjen s. 79*. *Liliencron* dachte schon vor vielen jahren daran das spiel herauszugeben und mit einer vergleichung der übrigen bis jetzt bekannten *Marienklogen* zu begleiten, um wo möglich dem gange der überlieferung und fortpflanzung auf die spur zu kommen. seine abschrift liegt diesem abdruck zu grunde und als ein erster anfang seiner untersuchungen sind die bemerkungen unter dem text anzusehen.

ZWEI FABELN AUS DEM KARLINGISCHEN ZEITALTER.

(I) FABULA DE VITULO ET CICONIA.

s. 6.

Quaerebat merens matrem per prata vitellus:
 cruribus huic longis obuia uenit auis,
 dicit 'io frater, cur tristis pectore mugis
 vel cur turbatus florida rura teris?'
 cui sic respondit, 'soror, est iam tertia nunc lux
 quod lac non tetigi et famulentus eo.'
 verba refert ales, 'ne cures talia, demens:
 nam quia non suxi tertius annus abit.'

(I) die *hs.* FABULAE VITULO

3. dicito frater